

Quichua rimaipi ñucanchij quillcashca librocunaca caicunami:

- **Bartimeo shuti mana ricuj runamanta**
- **Juan huasichishca huasimanta**
- **Noé shuti runa yacupi huambuj jatun huasita rurashcamanta**
- **Imatapish umashpalla huillaj Pedro shuti mosomanta**

Q'ui pamanca shujtaj librocunatapish quillcashunrajmi. Urapitiyaj direccioncunaman rishpa, telefocunapi cayashpa yachai tucunguimi. www.Quichua.net Internet direccionpipish cai librocunata rezai tucunguimi.




Acuerdo Ministerial #0110

Calle Fulgencio Araujo N26-188
y Humberto Albornoz
(Sector de la Comuna)
Quito, Ecuador
Teléfono: 3203498, 09-5002825

www.Quichua.net
www.fedepi.org

Imatapish umashpalla huillaj Pedro shuti mosomanta

Segundo Anrango



Cai parloca uni uni huatacunatami charin. Cai pachapica tauca llajtacunamanmi chayashca. Puntaca imatapish parlajlla Esopo shuti Grecia llajtamanta runami cai parlotaca huillai callarishca. Paica Jesucristo huacharinamantapish sujta patsaj ishqui chungu (620) huatata ñaupashpami huacharishca.

Esta historia es muy antigua, y ha llegado a muchas partes del mundo. En su forma original fue contado por el gran fabulista griego Esopo, quien nació en el año 620 A.C.

Texto en Quichua por Segundo Anrango.



Pedroca achca amigo mosocunata, solteracunatami ovejacunata michij cashcamantaca charishca.

Chaishuj mosocunapish,
solteracunapish Pedro shinallataj jatun
urcucunapi, pambacunapi, huaicu
c'acacunapi ovejacunata michijcunami
cashca. Pedroca ni ima ungüitapish
mana charishcachu tucuiipi alli mosomi
cashca.

Chaishuj oveja michij mosocunaca
uyashpapish: —Pedroca cutinmi
umashpa cayacun— nishpaca mana
cutinca cazushcachu. Pedroca tauca
ovejacunatami atujcuna micujpica
tucuchishca. Umashpa huillajcunataca:
—Chashnataj cashcata huillajpipish
mana cringachu— ninmi.



Cutinpajca shuj millai atujmi
Pedropaj ovejatataj micungapaj ña
japishca. Chaimi Pedroca achcatataj
mancharishpa: —Ñuca ovejitata atuj
micunmi. Atujcunata carcuiteda,
manchachita ayudahuaichij— nishpa
chaishuj oveja michij mosocunata
jatunta caparicushca.




Pedroca shina alli moso
cashpapish imata cashpapish
tucuiman umashpalla huillajmi cashca.
Shuj punllaca chaishuj michijcunatami:
—Atujcuna ovejacunata micungapaj
shamunmi— nishpa taucacama
umashpa caparishpa manchachishca.




Chaishuj oveja michij mosocunaca:
“Achca atujcuna shamushpaca
ovejacunataca micushpa
tucuchingami” yuyashpami
tandachishca. Ashtahuanpish shujlla
atuj cajta ricushpami cutin tucuicuna
pugllaita callarishca.




Ovejata micungapaj munashpa,
muyushpa puricuj millai atujtaca shuj
huarmimi caspihuan huajtangapaj
shina llujshishpa atujtaca
manchachishpa callpachishca.



Shina cashpapish shuj punllaca shuj yallitaj millai atujmi huambracuna michicuj ovejacunata micungapaj munashpa muyushpa puricushca. Chaitaca Pedro mosopish, chaishuj oveja michij mosocunapish mana yachashca carcachu.



Cutinmi Pedro mosoca umashpa: —Cai llullu ovejitatami atuj huañuchishpa micunamanta cacharichini. Utcashpa canacunapaj ovejacuna illajta mana illashcata yachangapaj yupaichij— nishpa manchachishca. Chaimi chaishuj mosocunapish, solteracunapish mancharihuan yupangapaj tandanacushca, ashtahuanpish Pedroca paicunata asishpa ricujpimi umashpa huillacushcata yachashpa cutin mosocunaca pugllashpa catishca.



Pedro moso chashna umashpalla
huillashpa chaishuj mosocunata,
solteracunata manchachingacamaca
ñallami pai michicuj shuj ovejataca
atujca micushca.



Atujcunaca tiyaitaca tiyajmi
cashca, shina tiyashpapisth taucapura
huambracunata, mana cashpaca tauca
runacunata ricushpaca manchajmi
cashca, ovejacunapajmanca mana
jahualla chayamujllachu cashca.
Ashtahuanpish tutapi mana cashpaca
ovejata michijcunaca illajta
ricushpallami micusha nij cashca.